



309637 -

309639

Mag. St. Dr.



Kat. Komp.





A 18172

L 9. 50

III 41. 2809

Sollhub Radgimell

L 13. 52374







Estr. XXIX, 49

Bibl. Jag.



For the Day of the Week



309637

M. br.





# In Avitum Decus ILLUSTRISSIMÆ FAMILIÆ URSINORUM DOWOYNARUM SOLLOHUBIORUM

## I.

*1911. Jan.*  
Sarmaticæ terræ queruli nè dicite cives:  
Hostis habet muros, Lechica Troja ruit.  
Excubat ad muros, rabidum LEO fulmen in hostem,  
Aggressor regni stratus ab ungve, ruet.

## II.

Anser Tarpejæ fuerat custodia rupis,  
Cum, nimiô somnô Roma sepulta fuit.  
Felices dormite Lechi. Dant otia somnum,  
En stat pro vobis pervigil iste LEO.

## III.

Ut LEO, sic aquilæ superi sunt sidera regni,  
Sed certô sunt hæc *sidera fixa* locô.  
Currunt *errantes stelle* per compita cæli,  
Sed stant immotô sidera fixa pede.  
Quæ currunt, fessæ desistent currere stellæ,  
Æternô stabunt sidera vestra locô.

## IV.

Conservêrunt aquilæ nidis imponere laurum,  
Ne feriant propriam fulmina lapsa domum.  
Flammas dicuntur crocei spirare leones,  
Horrida terrificis ignibus ora micant.  
At nunc fulmineis aquilis, leo jungitur asper,  
Adversi Lechis bella timete viri.  
En LEO succendit nimias in prælia flammas,  
En aquilæ laurum, pulchraq; ferta ferunt.



# DEDICATIO.

Cum vaga stelligerò junguntur sidera cælò,  
Carmina fatidicus non rarò dissipat augur.  
Nunc ait: ô miseri procul hinc discedite cives  
Heû arserê cavô fatalia sidera cælò,  
Horrida belligeris fervebunt prælia campis.  
Aut inquit: subitam nobis pestemq; necemq;  
Stella canit, variò visentur funera lectò,  
Assidui gelido fugient è corpore Manes.  
Carmina nonnunquam promit felicia Vates,  
Pax, inquit, niveis scrutabitur oppida bigis,  
Gaudia plena fluent, crescet ditissima messis.  
Cum tanta in Lechico junguntur sidera cælo  
Patria præsagum fertur deducere metrum:  
Pax erit, & splendor. Fæcundos inclita reddet  
Et sanctos Lucina thoros, pulcherrima proles  
Vobis nascetur, multos habitura nepotes.  
Illorum multi dicentur fulmina belli  
Lumina Sarmatiæ, Lituanæ gloria gentis  
Arx fidei, patriæ fulcrum, pupilla Senatûs.  
Pars belli, pars pacis erunt. Cum dormiet ensis,  
Abdita consiliis proment oracula certis,  
Si torvus mucro feralibus arserit iris  
Tum ferrum ferrò, vim vi depellere noscent,  
Arcebunt rabidum patriis à finibus hostem,  
Hoc omen certis deduxit patria signis,  
Nos quoq; præsagum docti contexere carmen  
Talia sincero formamus pectore vota:  
Dî tibi sint faciles, tibi gemmis grandinet æther.  
Pax, honor, utilitas, majestas, gloria, splendor  
Famaq; discedat vestro de limine nunquam  
Serpant æterno faustissima tempora passu.

Ita canit

Devotissimum Beneficentissimis Nominibus  
Collegium Academicum Vîlense  
Societatis JESU.





# ORATIO.



Empublicam, Sarmatiam, imò Europam fermè universam liquidissimâ lætitiâ perfudit auspicatissimus iste dies nuptiarum; nos fanè ex conjunctione tantorum fiderum certa animi divinatione conjicimus, magna in Europam lumina, magna in Sarmatiam ornamenta, ma-

A

gnas



gnas in Patriam dignitatis accessiones pro-  
fecturas esse. Etsi neq; ad dicendas in-  
gentes laudes vestras parem animi ma-  
gnitudinem adferre, neq; fortunatissi-  
mum matrimonium amplissimis & maxi-  
mis verbis ornare possimus, tamen, quam  
lætitiā hoc die suscepimus, eam quibus-  
cunq; argumentis prodere decet. Cri-  
mini profectò verteretur, si illustrissimas  
Hymænei vestri tædas nullo augeremus  
lumine orationis, nuptiale fertum nullò ar-  
gutiarum flosculò, communis lætitiæ tri-  
umphum nulla voce plausu acclamatione.

Quanquam autem exili exangui jeju-  
næq; huic orationi nihil splendoris, ni-  
hil venustatis, nihil gratiæ insit, vos stu-  
diosissimam voluntatem, singularemq; ve-  
strî reverentiam magno favore profe-  
quemini, & animi nostri candorem in  
hoc atro caractere clariùs lucentem per-  
spicietis.

† Quod enim tam vastum ingenii flu-  
men, quæ tanta facultas dicendi & copia,  
quæ tanta ubertas & vis, quæ non exor-  
nare sed enarrare laudes vestras possit.

Paucis



Paucis itaq; concentum virtutum, & flo-  
rem splendoremq; Familiæ vestræ, ver-  
bis amplectemur.

Ut à venustate florum suspensi con-  
tuentium oculi tenentur, sic à mira sua-  
vitate concentum pendent aures, illo-  
rum amœnitas, horum suavitas, pascit  
animum oblectatq;. Prius tamen dabi-  
mus aures concentui virtutum, quàm  
in florem splendoremq; familiæ, ora atq;  
oculos velimus esse conversos. Sic in  
umbrosis nemorum recessibus prius sua-  
vissimi volucrum cantus personant, quàm  
sol dispulsis tenebris, sua luce perfundit  
& convestit omnia.

Cùm res gestas fortium virorum &  
præclara facinora legimus, quò studiò in-  
cendimur, ut in eos, quos nunquam vi-  
dimus, incredibili amore feramur. Te  
verò Illustrissime ANTONI, quem præ-  
sentem intuemur, cujus vultum oculis  
obimus, cujus mentem sensusq; & os cer-  
nimus, quibus præconiis celebrabimus,  
quibus studiis prosequemur, quâ laude  
complectemur? Quanto eruditionis ap-



paratu tibi caput instructum, quantus in corde pietatis ardor, quantum in animo tuo roboris & nervorum, quàm, solutum omni timore, fortitudine septum, audaciâ munitum pectus? Ore saluberrima consilia promere, manu hostem & bellum propulsare, pedibus & victoriis terras peragrarè palam diceris, ferris, celebraris. Vix quisquam floruit, cui famæ odorem quicumq; nævus non corrumpet, at tua virtus nihil è summis laudibus decerpi finit. His in pretio fuit morum integritas togatis, sed armatos vitia expugnârunt, ille partam domi gloriam in peregrino solo perdidit, alter repertam in Gallia famam in patria corripit, huic gentes domitæ, arces ereptæ, fines imperii latiùs prolati gloriam pepererunt, sed maria emensa, sed oceanus superatus, sed æquor transmissum nihil laudis adjunxit. Tu domi belliq; probus, in Gallia & Sarmatia integerrimus, terrâ mariq; metuendus.

Arboris cujusdam speciem videris referre Illustrissime ANTONI, ut enim  
arbos



arbores, ineunte vere gemmat; adultô, florem explicat; extremô, fructum producit, sic tu viridem ætatem virtute ornâsti & scientiis, adultam militiæ addixisti, præceps tibi ætas, amplissimo meritorum fructu, honoribus ornabitur. Inter primas maximasq; curas tum adolescenti erat pietatis ardor, templorum te decor & sanctitas delectabat, illorum mores exosus es, qui dum studiorum curam fovent, virtutis frigere & neglectam jace-re patiuntur. Dilabantur, ajebas, & fluant fortunarum & scientiæ præsidia, dum virtus salva sit. Nec modica scientiarum cupiditate flagrâras, hinc totum te in literis abdere, literis te involvere, etiam ad studia noctis partem assumere. Certò enim tibi constabat literis res secundas ornari, adversas erigi, famam & dignitatem comparari.

Ubi ætas paululùm processit, tædium te cepit inter patrios focos delitescere, pulchra cupiditas tenuit, alias atque alias lustrare terras. Gallia te potissimùm traxit, inter lilia Franciæ versari placuit,



ut odorem virtutum & bonæ famæ colligeres. Vidit tandem Odera, vidit Albis & Rhenus, cum Germaniæ terras pervolares. At quantum gaudii, quantum suavitatis, quantum lætitiæ è tuo adventu Gallia accepit? vix illa lux terrarum, illud delubrum sapientiæ, illud clarissimi imperii domicilium Lutetia Parisiorum te aspexit, mox Versalii in celeberrima regum Francorum commoratione pedem fixisti, illic te principes honore, reges gratiâ, aula favore ornavit. Regina inter aulicos ANTONIUM censebat togatum, Gallia togam sago permutare suavit, vi, consiliis, armis fortissimi viri muniri cupiit; signa manibus, legiones nutui, militem imperio tuo subjecit. Aquilas enimverò Sarmaticas Gallus præferri voluit, ut belli fulmen in hostem vibraretur. Ex ea re non pauca Galliæ commoda enata sunt, nec levia Genuensibus emolumenta manaverunt, neq; tibi rei felicissimè gerendæ occasio è manibus dilapsa est.

Versabatur in præsentis belli discrimi-  
ne



ne Liguria, (\*) Corfica repentè ingenti seditione exarsit, ejus incendii fax (ut fertur) Theodorus; ille Januenses ex insula exterminare, rebellibus animos addere, ipse rerum potiri. Verebatur nimium Genua, nè fundatum imperium, nè auctas exaggeratasq; fortunas una seditio deleret, sensit non tantam sibi vim inesse, quæ posset conspirationem perfringere, conjurationem labefactare, insulam ab intestino latrocinio defendere. Hêu, inquit, quô me vertam nescio? video Corficam subitò unô incendiô concidentem, facibus & telis conjurationum obfessa sum, omnia mihi pænè auxilia præsidia consilia occiderunt. Quousque pergent rebelles omnia Divina & humana jura vexare, perturbare, evertere? quousquè ille dux teterrimæ seditionis, illa fica inter latera nostra versabitur? quousquè illa procella patriæ, turbo ac tempestas pacis horrore me perstringet? Quî discordiæ mitescent? iræ deflagrabit? furor, quô omnia ardent,

(\*) Liguria, vulgò la Riviera di Genova, seu Resp: Genuensis. Dzienua Genua, Janua, idem sunt.



extingvetur? Tum Liguria Galliam respexit, flexit genua, supplex utramq; manum tetendit. Francia jacenti Reipublicæ regiam fidem porrigit & dexteram, laboranti exercitui suppetias decernit, diu consilium exquirat, quæ in Corsicam eundum sit? qui videlicet è majestate Gallici imperii, è dignitate regni, ex honore principis, bellum adornarent, susciperent, ponerent. Tandem è florentissimis viris ipsa lumina leguntur; penes unum quidem è principibus Galliarum, summa rerum erat, at SOLLOHUBII signa nonnullæ legiones sequi jussæ.

Etenim sic Gallia loqui videbatur. Ligures, ô ANTONI, armis, fidei, felicitati tuæ commendati sunt; seditionis tibi vulnera curanda sunt, incendium in Corsica restinguendum, omnia excitanda sunt, quæcunq; jacere sentis, belli impetu perculsa atq; prostrata! revocanda fides, propaganda subjectio, reducendum obsequiû, quæq; dilapsa fluxerunt, antiquis legibus vincienda sunt. Circumspice



spice omnes procellas, quæ impendent, maximè ægram & prope depositam reipublicæ Januensis partem suscipe. Vide, nè quid detrimenti Gallia capiat, nèqua Sarmatico nomini labes adsperfa sit, nè quassata respublica priscae perdat ornamenta dignitatis.

Tantum sibi Francia de virtute, animo, consilio Polonici Hectoris pollebatur, tam tutò copias, salutem, resq; suas credidit SOLLOHUBIO, adeò finè metu & cunctatione, acerrimam propugnationem reipublicæ Januensis commisit. Nec facilè, profectò, quisquam reperiretur, qui celerius, in tantis turbinibus & naufragiis, reipublicæ navim salvam in portu collocaret; qui felicius Genuenses de fama, de civitate, de insula dimicantes in sinu pacis reponeret; qui fortunatius dignitatem Poloniae, gloriam Galliae, felicitatem Liguria servaret, augeret, tueretur.

Submovere hostem è finibus patriæ, bellum è suo regno propulsare, inimicum vi, corporibus, opibus depellere,

C

pietatis



pietatis in patriam est; at exteras regiones metu ac trepidatione solvere, flagrantem atroci seditione insulam comprimere, iniquum peregrini regni aggressorem exturbare, expellere, ejicere, hoc demum ingentis animi, summæq; virtutis est.

Nec segnius iter & bellum adornâras, ô ANTONI, quàm Gallia speravit. Vidit mox Cabilo & Lugdunum (1) intrepidè à te bellum jam propiùs admo-  
veri. Mirabatur te Valentia & Vienna-Allobrogum summa celeritate in validissimum Galliæ portum Antipolim (2) venire. Illic, cum ipsi venti infufurrarent, navigandi tempus adesse, in altum vela dederas, è conspectu terræ ablatus es, tandem in portum, fanumq; Jovis Monæci (3) demum in litora Corsicæ bellissimè decurristi. Hic tibi aut hostis frangendus, aut anima profundenda erat. Infida gens, turbulenti populi, projecti ad audendum cives, nil, præter minas, cæ-

(1) Cabilo *Châlon sur Saone* urbs Galliz in Burgundia. Lugdunum *Lion*, urbs Gal:  
(2) Antipolis *Antibes* præclarus portus Galliz in Provincia, ad mare Mediterraneum.  
(3) Monaco Monacum, vel Fanum-Jovis-Monæci urbs portusq; Gallicus in Liguria.



des, latrocinia meditati sunt; reditus tibi aut difficillimis rupibus, aut mari Ligustico, aut flumine sanguinis interclusus; nec passus sine dimicatione, nec iter sine victoria, urgeri poterat. Cessit tamen virtuti audacia, fortitudini temeritas, firmitati furor. Vix adventantem te sensit Bastia urbs frequens, caput insulae, arx firmissima, mox metu expugnari, portas pandere, se suaq; omnia tuo arbitrio permittere; ita demum tuo adventu perculsa pars insulae sine acerrima dimicatione in ditionem Genuensium cecidit.

Quid, quaeso, tuus gladius in acie Corsicana egit? spem seditiosis, metum civibus, timorem depulit Gallis; at fractos & propè dissipatos Genuenses restituit. Ejectus ex insula ille praedo provinciarum, pestis regionis, alieni imperii raptor, everforq; qui plures annos ad dilacerandam rempublicam vestram, ô Genuenses, quaesierat; tranquillitati Liguria reddita; leges priscae tanquam muri atq; propugnacula tranquillitatis & otii



vivere cæperunt. Enimverò, ANTONI, Corficam Liguria, Liguriam Gallia, Galliam Sarmatiae, subjectam, obnoxiam devinctam effecisti! Te auctore, perfuncta est Genua hoc teterrimò & calamitosissimò bellò, omnis fracta dissensio est, arma ab aliis posita, aliis erepta sunt. Stupete! Ligur gaudet, Sarmata vincit, Gallus triumphat.

Parum, opinor, negotii est urbem fossis cinctam, mænibus validissimè septam, suæ ditionis facere, arce firmissimis præsidiis impedita potiri, oppida ornatissima æquè ac munitissima disturbare, evertere, dissolvere; si ea civitas planissimo in loco explicetur, si illa arx humili colli non præruptæ cuiq; rupi impendeat, si illud oppidum vastissimis campis incumbat: Tibi verò, ô ANTONI, arces præcipiti saxo impositæ, oppida ingenio sitis firma, coloniae, ipsâ naturâ loci, facile periculum repellentes, ad officium revocandæ, adeundæ, frangendæ erant.

Non ægrè, commissò præliò, conquiriti superbissimo delectu exercitus absum-



sumpti sunt, non difficulter pudendâ cæ-  
de legionum campi contecti sunt, facilè  
ingenti strage attritus hostis est, cum,  
æquò locò, ad capulos, ad manus, ad ar-  
ma ventum est; tum etiam, plurimum  
gloriæ fortuna decerpit, triumphum si-  
bi casus vendicat, quòd huic potius quàm  
illi duci victoria, fatò quopiam, inclinata  
fit. Quodsi hostis montibus se sepserit  
& rupibus, quodsi saltibus se texerit &  
nemoribus, quòdsi stagna & paludes in-  
tersint, quantæ, quæso, fortitudinis est,  
tum hostem adoriri, frangere, delere?  
Tibi verò, ô ANTONI, antequam ho-  
stis occurreret, fædus pelagi furor, asper-  
rimæ rupium crepidines, creberrimi &  
difficillimi sylvarum saltuumq; anfractus  
superandi erant. Corsicam enim natu-  
ra cinxit mari, ripas saxi muniit, ter-  
ras montibus sylvisq; vestivit & sepsit.

Plurimum quoq; laudi decedit, si cum  
iis ad dimicationem res devenerit, quæis  
cassides gemmis radiant, quæis gladii au-  
rò fulgurant, quæis loriceæ argenteæ pe-  
ctus ornant non sepiunt. Piget profectò

D

eos



eos aggredi, quorum equi phaleris, baltheus bullis, vestes sericô, tument, nitent, pinguntur. Horrent enimverò in bella natæ animæ auratas vaginas, fastidit acu pictum bellator sagum, fugit miles insolentem ensium splendorem; nè cum feminis potiùs luxu fluentibus, quàm viris, manus conferi videantur. Sola dulcedo gloriæ, non opulentæ prædæ cupiditas in pugnam viros elicit. At noster Antonius iis potissimum bellum admovit, quorum verticem galea, manum fica, latera mucro munivit. Ipsi, tenui sago contecti, machinis bellicis metuenti, aut ingentem glandium vim effundere, aut ficam distringere, aut montibus sylvisq; ( siquo in discrimine versentur ) se tegere celerrimè nôrant. Horum populorum partem SOLLOHUBIUS sub ditionem Genuensium subjunxit, earum gentium audaciam fregit, perculit superavit.

Sublatum itaq; te Herôé, sepultumq; in Corsica bellum est, Gallia victorem exercitum in patriam deportavit, at tu  
auxisti



auxisti Franciam triumphis, Poloniam  
gloriâ, Familiam famâ. Quâ te reducem  
lætitiâ Christianissimum regnum exce-  
pit? urbes ipsæ, quodammodò sedibus  
suis convulsæ, tibi obviam ire, tibi oc-  
currere, te complecti videbantur. Fran-  
cia & honores & purpuras, & fasces pa-  
rabat, sed traxit te amor patriæ, reddi-  
disti te tandem tuæ Sarmatiæ. Etsi au-  
tem corpus abesset tuum, honor jam  
& gloria in patriam pridem revertit.  
Fortassè quorundam dignitati labes illa  
adsperfa fuit, quòd ut cœlum, sic mo-  
res crebris peregrinationibus mutarînt,  
quasi exteri solis calor, ut fuscum vultui  
colorem, sic nævos menti induceret.  
SOLLOHUBIUS noster ubiq; idem,  
ubiq; candidus, ubiq; integerrimus,  
quanquam clarior victoriis, auctior fa-  
mâ, illustrior virtute, in Sarmatiam non  
tam pedibus, quàm gratulantium mani-  
bus illatus est.

Quas ego laudes in te conferam, ô  
ANTONI, omni virtutum genere orna-  
tissime? Pauci seipsos frangere, suos

D2 animos



animos contundere, iram cohibere didicerunt, ideo persæpè invidiâ conflagrant. Palam liquet, ad comparanda hominum studia nihil ANTONIO nostro deesse: Illius suavitates omnium favorem adjungunt, virtutes gratiam pariunt, officia reverentiam adipiscuntur. Quàm inclinatissimus tibi ad lenitatem animus? protinus injuriæ tibi è memoria excidunt, offensiones dilabuntur, iræ discedunt; imò quem ferrò trucidari oporteret, eum nec voce vulneras, adeò summam laudem sitam esse credis in iracundiæ facibus extinguendis, in injuriis ex animo evellendis, in offensionibus æterna oblivione conterendis.

Quàm mira insigniq; animi demissione flores? non magna profectò omnes incesset admiratio, si is, cui tenues opes, nullæ facultates, exiguæ amicorum copię sunt, summum honorem cuiq; deferret, at SOLLOHUBIUS, cui res amplissimæ, cui facultates maximæ, cui conjunctissimè cum omnibus vivitur, summos perinde ac infimos magno honore digna-



dignatur. Idcirco ô ANTONI, ipse quo-  
què firmissimâ omnium benevolentia mu-  
niris, omnium sermonibus celebraris,  
magnis in cælum laudibus efferris.

Neminem latet, quàm excelsô illustriq;  
locô sit laus tuæ eloquentiæ atq; erudi-  
tionis. Nonnulli toti sunt in aucupio  
verborum, rebus interea inopes & jeju-  
ni; at in verbis tuis ex rerum magnitu-  
dine splendor quidam & copia existit.  
Ita scitè, ita venustè, ita concinnè sermo-  
nem condis, ut audientem mira volupta-  
te perfundas. Quis non pendeat ab ore  
tuo? cum enarras Italiæ ornamenta,  
Germaniæ decora, Galliæ splendorem;  
cùm memoras, ut huic urbi opes enatæ,  
fortunarum & dignitatis accessiones fa-  
ctæ sint, ut id emporium fædè defloruit,  
illius civitatis res claudicant & vacillant;  
cùm dicis: Quæ Gallorum coloniæ, sint  
operibus munitæ, succinctæ portubus,  
armatæ muris; Qui portus omnibus rei  
bellicæ præsidiis abundant, quæ oppida  
descriptione ædificiorum clarissima. Ju-  
cundum profectò est voces tuas auribus

E

accipe-



accipere, cùm navalia, maria, classẽ,  
lembos, omnemq; rei maritimæ appa-  
ratum oculis magis quàm auribus subjicis;  
Cùm doces, quàm perneciter secundis  
ventis proræ ferantur, quàm miserè  
coorta tempestas in apertum discrimen  
capita & navim immittat. Nec solùm  
incorrupta uteris Patrii Latiniq; sermo-  
nis integritate, sed Gallicè quoq; præ-  
clarè, magnificè & splendide peroras.

Adèo te ANTONI, omnium laudum  
ornamenta illustrant, ut ipsis fumosis avo-  
rum imaginibus aliquid lucis addere vi-  
dearis, quanquàm multum splendoris è  
priscis Aboriginibus in te defluxit. Fe-  
runtur enimverò feri nepotes atavis, &  
magni atavinepotibus famam comparare.

Quis tenebricosissimum illud tempo-  
ris, quò vetustissimæ familiæ oriuntur,  
clare perspicere possit, multa face chro-  
nologica opus est, donec ad primam  
scintillam cujusq; gentis ventum sit. Ut  
enim celeberrimus quiq; annis exiguo  
fonte oritur, tum undis mirandum in  
modum



modum auctus dispescit terras, regna  
dirimit, imperia oberrat, & longissimo  
cursu ingentes fluctus evolvit. Sic non-  
nunquam præclaræ cujuspiam familiæ  
vetustissimus sangvis obscura initia tra-  
hit, tandem longa serie nepotum & ami-  
corum & affinium quasi aquis multis au-  
ctus in tantâ excrefcit amplitudinem, ut  
non exiguum Rubiconem, sed mare quo-  
dammmodo Erythræum referre videatur.  
Omnium profectò rerum principia par-  
va suis progressionibus augentur. At illu-  
strissima SOLLOHUBIORUM Familia,  
ceu sol, in ipso ortu splendida præclara  
& augusta fuit. Quid enim pulchrius,  
quid clarius, quid illustrius esse possit?  
è maximis Europæ principibus oriri, è  
purpura & bysso prætextam texi. Gens  
vestra ô Illustrissimi SOLLOHUBII, non  
obscurô locô, sed è principibus, sed è Ro-  
manis principibus, sed ex URSINIS or-  
ta est. Si olim Romæ nasci gloria, ci-  
vem esse honor, inter Patritios cenferi  
summa felicitas fuit, quantum vos gloriæ  
verticem attigistis, cùm ex augusto Ro-



manorum, non civium, non patritiorum,  
sed Principum sanguine prognati sitis.

Gens vestra olim in Latio floruit, tandem in Litvania refulsit, hodie regna Sarmatiæ, imò universam fermè Europam, gloriâ, virtute & affinitate illustrat. Primum *ROSA* in stemmate vestro viguit, ut hæc florum regina vos in purpuris natos & ad purpuras, ostenderet. Ineunte sæculo nono, *URSUS* in ceris vestris refulsit, ut scilicet, vos magnum nostri septentrionis fidus fore, palam constaret. Circa annum M. CCC. LXXX. III. Sacrâ quoq; *Arlore* ceræ vestræ ornari cæperunt. Indè faustissimum omen Sarmatis fuit: cum bella arserint, aut discordiæ flagrârint, vos præsidio, quasi cuidam umbræ fore. Hæc eadem tempestate *DOWOYNARUM*, hoc est ad bella natorum, ad arma conclamantium, pugnas cientium, vobis nomen inditum donatumq;. Deniquè quartum decus *LEO* videlicet stemmata *SOLLOHUBIANÆ* gentis tum auxit, cum in comitiis Horodlenfibus, totius Regni & magni Ducatus frequen-



frequentissimus Senatus ediceret, sanciret, decerneret, ut perinde Sarmatæ ac Litvani, eodem principe viverent, iisdem legibus vincirentur, iisdem dignitatibus ornarentur. Felix profectò faustumq; augurium è vestris ceris Polonia habet: *ROSA* florem scientiæ & virtutis, *Sacra ARBOS* fructum meritorum, *URSUS* iram in hostes, *LEO* triumphum pollicetur. At semper Gens vestra fulmen hostium, lumen reipublicæ, lux familiæ fuit.

Quis *DAVIDIS DOWOYNÆ* laudes ignoret? Cùm penes illum summa rei bellicæ in Litvania esset, pudendis sanè cladibus Teutones in Livonia attrivit, ingentem cæforum vim in acie reliquit, multa millia jugum subire, arma ponere, inter captivos cenferi iussit. Adhuc Danorum pectora occultus, opinor, metus percurrit, cum eos subit recordatio, quantum *DAVIDE* Jutiam (·) pervolante, fortunarum suarum fecerint naufragium, quantum res Cimbricæ afflictæ, everse, profligatæ fuerint, quantò belli

(·) Jutia vulgo *Jütland* dicitur ipsa peninsula Danica olim Cimbrica chersonesus.



incendiô oppida, urbes, arcesq; confla-  
graverint. lisdem ærumnis & periculis  
DAVID DOWOYNA Saxoniam implicu-  
it, quasi fulmen aliquod aut tempestas  
regionem pervasit, populos cæde, urbes  
ferrô, oppida igni protrivit, fustulit, de-  
levit. Neq; Masovia ex hac flamma evo-  
lavit, sensit quid gladius DOWOYNÆ,  
quid arma, quid virtus possit? Is DA-  
VID ut virtute bellica, sic honore patrio  
omnibus Lituaniæ Satrapis præivit, cum  
potentissimi Lituanorum Principis GE-  
DIMINI Serenissimam filiam in fociam  
thori accepisset.

Neq; minore laude posteri ejusdem  
floruerant. Unus eorum in Poloniam,  
omnem belli tempestatem convertit, è  
pulcherrima regione solitudines & vasti-  
tatem fecit, populationibus & incendiis  
provincias deformavit. Vidit tum Vistu-  
la fumare tecta, villas diripi, agros nu-  
dari. Prætereo alios togâ & sagô clarif-  
simos DOWOYNAS, hunc Palatini Tro-  
censis, illum Succamerarii M. D. L. di-  
gnitate fulgentem. Nihil de magnis Ca-  
pitane-



pitaneis Samogitiæ, Bidgostiaë, Drohici-  
ni, nihil de Palatinis Podlachiaë, Polociaë,  
cæterisq; Gentis Dowoynianæ luminibus  
proferre libet. Taceo præclaram ALE-  
XANDRI DOWOYNÆ Mareschalli M.  
D. L. magnanimitatem, cujus solius fer-  
mè virtute perfectum est, ut Casimirus  
princeps, rerum regniq; in Lituania po-  
tiretur. Flagrantissimè cupiverat Polo-  
nia susceptum adeundi principatûs Palæ-  
monici consilium disturbare, disjicere,  
perimere. At DOWOYNA curas Polo-  
norum dissipavit, Casimiro interseptum  
ad thronum iter patefecit, eundem, Ma-  
gnum Litvaniaë Ducem jussit, dixit, crea-  
vit. Tantùm, vis, consilium, virtus po-  
tuit DOWOYNÆ Mareschalli.

At quid de Illustrissimo SOLLOHU-  
BIORUM nomine dicent calami? Jam  
satìs constat unam eandemq; Gentem  
DOWOYNAS & SOLLOHUBIOS fuif-  
se, quæ demum in duas familias divisa sit.  
Nec quemquam latet nomen SOLLO-  
HUBIORUM floruisse, antequam Polo-  
nia Litvaniaë firmissima unione adhæse-



rit. Magno gens ista amore in Patriam  
fuit, plurimis ornamentis rempublicam,  
triumphis patriam decoravit. Floret  
æternis laudibus in Livonia GOTAR-  
DUS SOLLOHUB Succamerarius Tor-  
patensis, neq; ulla tineæ oblivionis corro-  
det purpuram HECTORIS SOLLO-  
HUB Palatini Vendenfis. NICOLAUS  
SOLLOHUB, Mars alter, clarus militiâ,  
impiger manu, bellis acer, fertur in tem-  
pestate formidolosissimi temporis à Pa-  
tria perniciæ partem depulisse, reipubli-  
cæ incolumitatem attulisse, regnum ab  
exitio vindicasse. Tanto Hæctori suc-  
cesserunt magni nepotes, gemini CON-  
STANTINI, uni eorum in confortem  
thori venit HEDVIGIS Dux de Ko-  
zielsk PUZY尼亚, alteri lectissimam spon-  
sam LIVENIAM dedit Curonia. Præ-  
tereo illud illustrissimum fidus, illam au-  
roram solis Sarmatici LUCAM SOLLO-  
HUB Mareschallum S. Regiæ Majesta-  
tis. Taceo laudes STANISLAI. Sileo  
res gestas CHRISTOPHORI Zawiszanæ  
genti per connubia conjuncti.

Ipfa



Ipsa fama loquatur NICOLAUM SOL-  
LOHUB arcis Smolenscensis Præfectum,  
virum bellô spectatissimum. Quâ ille  
audaciâ, quâ virtute, quâ vi propugna-  
tionem Smolensci suscepit? Admoverat  
urbi exercitum Dimitrus *Czarides* Mo-  
schorum, vias omnes aditusq; insedit, fossâ  
& vallô septum Lituanum tenuit, tum mæ-  
nia tormentis verberare, partem agge-  
rum nudare, vallum subire; interea KI-  
SZKA illustrissimus Smolenscensium Pa-  
latinus ægras atq; labantes reipublicæ &  
hujus urbis partes SOLLOHUBIO com-  
misit, ut eas suis armis sanaret, confirma-  
ret, erigeret. Tum NICOLAUS fer-  
rum ferrô, vim vi, manum manu repelle-  
re. Hortatur militem, telis fulminat, ar-  
mis instat. Hostis, qui urbi imminebat,  
pulsus, ejectus, submotus. At nondum de  
spe decidit Moscus, advolat Dux ipse ma-  
gnus Basilius Jvanovicus impos animi,  
irâ percitus, furore ardens, toto belli ap-  
paratu urbem aggreditur, quassat, ferit.  
At SOLLOHUBII fortitudo dementiam  
hostium superavit. Rejectus à vallo Mo-



scus est, urbs curâ & metu soluta est, periculum, quod erat inclusum venis atq; visceribus reipublicæ, depulsum, sublatum, profligatum est. Quis NICOLAI SOLLOHUB Ductoris Copiarum S. Regiæ Majestatis, fortitudinem digna laude ornaverit? In vallum Ulæ arcis Lituanus miles summa vi, contentione, ardore penetrabat; cœpit tandem exercitus laborare. Videt NICOLAUS, unda interjacet, lacus transitum negat. Cur inquit, vel semel rem inclinandam fortunæ non dem? vel meô ipsius interitu redimenda est salus Patriæ, mox in equum insilit, vadum tranat, cæteri sequuntur. Sic miles auxiliô fultus, oppugnationem restituit, vallum occupat, hostem deturbat.

Sed me jam longius provexit dulcedo quædam de vobis, ô SOLLOHUBII, loquendi, tacitus itaq; prætermitto præclara facinora HIERONIMI Atavi, Aviq; Tui Illustrissime Neosponse. Nequeo tamen à celebrandis virtutibus Parentis Tui Illustrissimi JOANNIS SOLLOHUB Supremi Thesaurarii & Notarii M.

D. L.



D. L. Equitis aquilæ albæ, animum sermonemq; avocare, nihil enim hoc principe illustrius, nihil justius, nihil integrius. Semper ille, in castris fortissimi Herois, in templo sanctissimi hominis, in purpuris benevolentissimi viri exemplum & simulacrum fuit. Quanto ille honore dicatas DEO Familias dignatur, quàm beneficè à multis miseras ac egestatem propulsat, quantum, minimam Societatem JESU, beneficiis ornat, gratiis obruit, amore amplectitur, quis id dicendo consequi possit? Militiæ primum nomen dederat, illic Tribuni dignitate auctus, persæpè patriam ex ærumnis periculisq; extraxit, gladium à jugulo civitatum arcuit, metum ac trepidationem civibus dejecit, cùm teterrimum illud bellum in visceribus regni versaretur, cum intestinæ discordiæ ferverent, cùm Suecus Moscusq; in Polonia, se ferrô, regnum vastitate, civem diffidiis confoderent, everterent, labefactarent. Quum verò diuturna ab armis quies esset, principem illi locum utriusq; Gentis summum



Tribunal detulit, Lituania & Polonia virum integerrimum sæpè magni Mare-schalli titulis ornavit. Ea profectò tempora viderunt JOANNE SOLLOHUB justiore virum, sanctiorem judicem, æquiorè esse neminem. Illo duce & hortatore, suum cuiq; jus redditum est, nemo iniqui judicii procellâ eversus, nemo venalem linguam habuit. Nôrat enim æquissimus summi Tribunalis tum Mare-schallus justitiâ firmari pacem, pace vivere leges, legibus muniri urbes. Nôrat nunquam periclitari fortunas reipublicæ, quæ sit vincta æquissimis judiciis, alligata more majorum, constricta legum sacratarum catenis. Tam incorrupto judici, tam forti præclaroq; viro, tam amanti Patriæ, primùm summam Venationum curam, demum supremas thesauri claves Lituania commisit. Magnis profectò decoribus, ô ANTONI, illustrissimus Genitor tuus augetur, ausim dicere, sufficit tibi habere patrem, tantum JOANNEM. Nec minor gloria illustrissimam Parentem tuam exornat. Hæc enim



enim femina florentissima ut omnibus virtutum laudibus abundavit, sic è clarissima SZAMOWSCIORUM gente orta est.

At SZAMOWSCIOS in pace splendor virtutum, in acie Heroicæ actiones, in Senatu Avorum tuorum Castellanorum Konariensium, Gostinensium, Brzeziniensium purpuræ, clarissimos orbi reddiderunt. Nullæ mihi occurrant voces, quibus possem dignè prædicare merita in Patriam, resq; gestas tam Illustrissimorum Patruorum tuorū ANTONII Tivuni Sadowiensis, Notarii Castrensis Samogitiensis, & JOANNIS Excubitoris ducatûs Samogitiensis, quàm Illustrissimi Fratris JOSEPHI Castellani Samogitiensis, viri ad omnia summa nati, omnibus virtutū, scientiæ & civilitatis laudibus ornatissimi. Qui Ducum *de Kozielsk* OGINSKIORUM Familiam SOLLOHUBIANO sangvini junxit. Prætereo illustrissimarum sororum tuarum præclara encomia, tam CATHARINÆ, quæ se religiosis claustris, inter virgines Deo dicatas, Ordinis S. *Benedicti* Varfaviæ sepsit; quàm ANNÆ Succamerariæ Go-

H

stin-



stinensis, quæ illustrissimam SCZAWI-  
NIORUM familiam, purpuris Senatoriis,  
in Palatinis Lenciciæ, Podlachia, Castella-  
nis Sochaczewienfi, Lencicienfi, Brzezi-  
nenfi, famâ virtutum & gloria militari  
florentissimam SOLLOHUBIANÆ genti  
adjunxit. Vivit incisa marmori effigies il-  
lustrissimi SCZAWINSKI, qui in *Scza-*  
*win*, porticibus sui palatii adhærens tem-  
plum & tyrocinium *Reformatis* erexit. Ta-  
ceo magnæ spei sobolem, veram parentum  
effigiem, illustrissimos Notaridas & Excu-  
bitoridas Samogitienses. Quorum unus  
ADAM, ingenio acerrimus, pietate fla-  
grans, studio literarum ardens, eâ cum lau-  
de in Academia Vilnensi versatur, ut ju-  
ventutis exemplum, parentum gloria, tu-  
toris sui illustrissimi Thesaurarii M.D.L.  
solatium appellandus sit. Piget me vili lau-  
datione nonnullam labeculam adspargere  
magnæ dignitati & honori illustrissimorū  
affinium tuorum PUZYNARUM, GRO-  
TUZORUM, STAMIROWSCIORUM,  
FIRLEJORUM, ZAWISZARUM KA-  
LINSCIORUM, TARNOWSCIORUM

ODA-



ODACHOWSCIORUM, SKARBKONUM, JAROSZEWSCIORUM, GIEDROYCIORUM, CHRZASTOWSCIORUM, WILKOWSCIORUM, WOŁMINSCIORUM, KUROPATNICIORŭ, ROMERORUM, SKRZYNSCIORUM, SIERAKOWSCIORŭ, KAPASZCZEWSCIORŭ &c. quorŭ res gestæ laudesq; memoriâ aluntur, sermonibus crescunt, literarum monumentis inveterascunt.

Tam magnorum parentum præclara soboles, tam ingentium atavorum optime nepos, è Romanis principibus, è magnis Lituaniæ Ducibus oriunde, ILLUSTRIS-SIME ANTONI, tibi hodiernis nuptiis adjungis virginem lectissimam, sponfam pulcherrimam, Principem celsissimam, fatis est dicere RADIVILLIAM. Quid enim grandius, quid sanctius, quid clarius principibus RADIVILLIIS? qui meritis Sarmatiam, gloriâ Europam, famâ orbem implêrunt. Ex eorum profectò sanguine, Imperii Electores, Sarmatiæ reginæ, imò Cæsares Romanorum orti sunt. Quis ambigat Carolum VII. Im-



peratorem augustissimum, Bavariae ducem, hodie rerum in Germania potentem, Radivilliorum affinem esse.

Quis plures hostes vi, corporibus, opibus e patria propulsavit? quae gens plures Senatui Patres conscriptos, Regno & Reipublicae Ministros, militiae belloque Duces protulit? quae magis Familia, nostram Societatem gratiis, templa opibus, aras ornamentis illustravit?

Nefas itaque; jejuno oratori ingentes tantorum Principum laudes enarrare. Pleni sunt Radivillianarum virtutum libri, plenae elogiorum voces, plena monumentorum vetustas. Quantam, quaeso, etiamnum gloriam Europam ornant RADIVILLII.

Quid illustrius celsissima principe RADIVILLIA Cancellaria M. D. L. cujus effigies lucet in praecclaris filiis, Nesvisii Sluciaque Ducibus. Quid majus celsissimo Principe MICHAELE Duce Nesvisii & Olivae, Castellano Vilnensi, Campi duce M. D. L. qui Senatum consiliis, Rempublicam virtute, Patriam armis tuetur. Cui Superi ut celsissimam de WILSNIO.



SNIEWIECCHS confortem, ita præclaros filios, juventutis principes CAROLUM & JANUSSIUM dedere. Quid clarius celsissimo HIERONIMO FLORIANO Duce Sluciæ, qui flagrantem feritiorum seditione extinxit, convolantem ad arma plebem perdomuit, Ruffiæ pacem reddidit, patriæ timorem dejecit, reipublicæ tranquillitatem donavit.

Quid felicius, faustiusq; FAUSTINO NICOLAO RADIVILLIO Palatinô Novogrodenfi evenire potest reipublicæ? cui integerrimi mores gloriam, summæ virtutes reverentiam, lenissimus benevolentissimusq; animus amorem comparavit. Tantundem gloriæ sibi vendicat celsissima BARBARA de ZAWISZIS RADIWILLIA Palatina Novogrodenfis. Hi parentes præclaram profectò sobolem procreârunt: UDALRICUM Capitaneum Minscensem, ALBERTUM Capitaneû Rieczycensem, GEORGIUM Capitaneum Lubossanensem, magnum Serenissimi Tribunalis M. D. L. Mareschallum, & STANISLAUM S. R.



Majestatis Colonellum, omnes ætate viridi florentes, incomparabili virtute illustres, ingenti gloriâ ornatos. Filiarum verò aliquæ nuntium sæculo remiserunt, una illustrissimum *de Campo* SCIPIONEM Capitaneum Lidensem, Mareſchallum M. D. L. thori focium habuit, altera, lectissima, pulcherrima, & celsissima princeps BRIGIDA, tecum illustrissime ANTONI, in æterna fœdera jungit dexteram, tuoq; illustrissimo Nomini fociat cognatum sanguinem AUGUSTISSIMUM Cæsareæ Domûs Bavaricæ, *Serenissimum* Regiæ Familiæ WISNIO-WIECCIORUM, SOBIESCIORUM, LESZYNSCIORUM, *Celsissimum* OGINS C I O R U M, CZARTORYSCIORUM, LUBOMIRSCIORUM, PUZYNARUM, *Illustrissimum Excellentissimumq;* Comitum S A P I E H A R U M, Ł A N I E W S C I O R U M, CHODKIEWICIORUM, SIESICCIORUM, SCIPIONUM, J A B Ł O N O W S C I O R U M, W O Ł Ł O W I C I O R U M, BRZOSTOWSCIORUM, P O Ł U B I N S C I O .



SCIORUM, MNISZKORUM, POTOC-  
CIORUM, PACIORUM, DONHOF-  
FORUM, TYSZKIEWICIORUM, FLE-  
MINGORUM, SŁUSZKARUM, BRA-  
NICCIORUM, POCEJJORUM, SIE-  
NIAVIORUM, ZIENOVICIORUM,  
ZAWISZARUM, PREBENDOVIO-  
RUM, WOYNARUM, ZAMOYSCIO-  
RUM, WOŁODKOWICIORUM, TE-  
CZYNIORUM, KONIECPOLSCIO-  
RUM, KONARZEWSCIORUM. &c.

Magnopere itaq; lætamur è tantorum  
siderum felicissima conjunctione, & ut,  
unde est orsa, in eodem terminetur ora-  
tio, certa divinatione conjicimus, atq;  
auguramur. Nascentur magni filii, Eu-  
ropæ lumina, deliciae regni, decora pa-  
triæ. Illis prætextam parentes, hono-  
res rex, purpuram respublica parabit.  
Illi fulmina belli, terror hostium, lux  
familiaë dicentur. Illi omnem vim à fa-  
ma, à cervicibus, à fortunis civium pro-  
pulsabunt, & finem imperii Sarmatici,  
non terræ sed cœli regionibus termina-  
bunt. Tali tantaq; prole ILLUSTRIS-



SIME ANTONI augearis, omnibus lau-  
dum, dignitatum, & fortunarum accessio-  
nibus orneris, semper florens, sem-  
per incolumis, semper beatus serve-  
ris, nos precamur, patria optat.

SUPERI FAXINT.



Bibl. Jag.



12 Iacob  
Symon

Biblioteka Jagiellońska



stdr0026116



